

**DECRETO NÚMERO 16005761 DO 21/07/2016**

**Ilma. Sra Dona ANA MARIA GONZALEZ ABELLEIRA, Tenenta de Alcalde-Delegada da Área de Benestar Social, Igualdade e Inclusión (en substitución Ilmo. Sr. Don XOSE DANIEL PIÑEIRO VILLARES, Tenente de Alcalde-Delegado da Área de Desenvolvemento Sostible e Persoal) do Excmo. Concello de Lugo.**

A Xunta de Goberno Local do Concello de Lugo, en sesión ordinaria celebrada o día vinte de xullo de dous mil dezaseis, adoptou, entre outros, o acordo número 19/498 BASES DO PROCESO SELECTIVO PARA A CONTRATACIÓN TEMPORAL DE 2 XEFES DE BRIGADA PARA A DEFENSA CONTRA INCENDIOS FORESTAIS.

Esta Concellería, en virtude das atribucións conferidas á Alcaldía polo artigo 124 da Lei 7/1985, do 2 de abril, reguladora das bases do réxime Local e tendo en conta o Decreto número 15010037, de delegación de atribucións, ditado o 7-12-2015, **RESOLVE:**

**Primeiro.-** Convoca-lo proceso selectivo para a contratación temporal de 2 xefes de Brigada para a defensa contra incendios forestais, en base ao convenio de colaboración entre o Concello de Lugo e a Consellería de Medio Rural para a participación na prevención e defensa contra incendios forestais durante os anos 2016, 2017 e 2018, que se rexirá polas seguintes bases:

“Prazas a convocar: 2 xefe de Brigada

Grupo: C1

Duración do contrato : TRES MESES.

Xornada de traballo: Traballo a quendas, incluídos sábados, domingos e festivos.

**1.- REQUISITOS DOS/AS ASPIRANTES:**

Os aspirantes deberán reunir os requisitos que a continuación se sinalan na data de finalización do prazo de presentación de instancias, tendo en conta que no prazo de corrección de defectos unicamente poderá corrixirse o requisito da non presentación do DNI, do carné de conducir B e da titulación.

Para ser admitido a esta convocatoria, os aspirantes deberán reunir, na data na que finalice o prazo de presentación de instancias, os seguintes requisitos:

- a) Ser español ou nacional dos demais estados membros da Unión Europea. Así mesmo, poderán participar no proceso selectivo os estranxeiros que reúnan a condición de cónxuxes de españois ou de nacionais doutros estados membros da Unión Europea, sempre que non

## PERSOAL

MLP/egp

Refª: 16drconvprocselect2xefesbrigada

Asunto: convocatoria proceso selectivo 2 xefes de brigada

estean separados de dereito, e os seus descendentes e os do seu cónxuxe menores de 21 anos ou maiores que vivan ás súas expensas.

As mesmas regras aplicaranse, se é o caso, ás persoas incluídas no ámbito de aplicación dos tratados internacionais celebrados pola Comunidade Europea e ratificados por España, nos que sexa de aplicación a libre circulación de traballadores.

- b) Estar en posesión do Técnico superior en xestión e organización de recursos naturais e paisaxísticos -RD.1712/96 de 12-07-BOE(19/09/96), Técnico en traballos forestais e conservación do medio natural - RD.1713/96 de 12-07-BOE(11/09/96) ou formación profesional equivalente.
- c) Ter cumpridos dezaseis anos e non exceder, se é o caso, da idade máxima de xubilación forzosa.
- d) Non ter sido separado mediante expediente disciplinario do servizo de calquera das administracións públicas ou dos órganos constitucionais ou estatutarios das comunidades autónomas, nin atoparse en inhabilitación absoluta ou especial para empregos ou cargos públicos por resolución xudicial. No caso de ser nacional doutro Estado, non atoparse inhabilitado ou en situación equivalente nin ter sido sometido a sanción disciplinaria ou equivalente que impida, no seu Estado, nos mesmos termos o acceso ó emprego público.
- e) Non padecer enfermidade ou defecto físico que impida ou menoscabe o normal exercicio da función.
- f) Estar en posesión do carné de conducir de tipo B.

## 2.- ÁMBITO DE PUBLICIDADE:

O anuncio de convocatoria farase público no Boletín Oficial da Provincia de Lugo.

Os sucesivos anuncios en relación con este proceso, publicaranse no Taboleiro de Anuncios do Concello de Lugo.

## 3.- PRAZOS E REQUISITOS DE FORMA NA PRESENTACIÓN DE INSTANCIAS:

Os/as que desexen tomar parte neste proceso deberán facelo constar na instancia que lles será facilitada no Rexistro Xeral do Concello. As instancias dirixiranse o Excm. Sra. Alcadesa do Excmo. Concello de Lugo, e nelas farase constar expresa e detalladamente ademais dos datos persoais do solicitante, que se reúnen todos e cada un dos requisitos esixidos na base 1.

Prazo de presentación: o prazo de presentación de instancias será de dez días naturais, contados a partir do día seguinte á publicación desta convocatoria no Boletín Oficial da Provincia de Lugo.

**PERSOAL**

MLP/egp

Refª: 16drconvprocselect2xefesbrigada

Asunto: convocatoria proceso selectivo 2 xefes de brigada

Lugar de presentación: As instancias, xunto coa documentación indicada, presentaranse no Rexistro Xeral desta Corporación ou na forma que determina o artigo 38.4 da Lei 30/1992, do 26 de novembro, do Réxime Xurídico das Administracións Públicas e do Procedemento Administrativo Común. Neste último caso, deberase adiantar por fax ó 982297341 as instancias presentadas en devanditos rexistros oficiais aos efectos de axilizar a tramitación administrativa.

Documentación que hai que presentar xunto coa instancia. As instancias terán que vir acompañadas dos seguintes documentos:

- a.- Fotocopia compulsada do DNI
- b.- Fotocopia compulsada do carné de conducir B
- c.- Fotocopia compulsada da titulación esixida.
- d.- Fotocopia compulsada de toda a documentación que poida serlle puntuada neste proceso.
- e.- Certificado médico que acredite non padecer enfermidade ou defecto físico que impida o normal exercicio das súas funcións

#### 4.- SISTEMA DE SELECCIÓN:

Consistirá en dúas fases:

A) A proba consistirá na contestación dun cuestionario tipo test de 25 preguntas con 3 opcións. Poderán ser correctas unha, dúas ou as tres opcións. A avaliación valorará a resposta correcta con 0,60 puntos e o erro con 0 puntos. Se non se sinala algunha resposta, valorarase como un erro (0 puntos) Esta proba terá carácter eliminatorio e puntuarase de 0 a 15 puntos sendo necesario acadar unha puntuación de 7,5 para superala.

O aspirante que non supere esta fase non pasará á seguinte.

Os coñecementos requiridos son os comprendidos no temario seguinte:

Tema 1.- O PLADIGA

1.1.- O PLADIGA

1.2.- Zonificación do territorio nos distritos forestais

1.3.- Xerarquía dentro do distrito forestal

Tema 2.- Funcións do peón condutor

Tema 3.- O comportamento do lume

3.1.- Introducción

3.2.- O incendio forestal

3.3.- Propagación do incendio 15

Tema 4.- Extinción dos incendios forestais

4.1.- Introducción

4.2.- Métodos de ataque

Tema 5.- Ataque directo

5.1.- Extinción mediante rega: tendido de mangueras

## **PERSOAL**

MLP/egp

Refª: 16drconvprocselect2xefesbrigada

Asunto: convocatoria proceso selectivo 2 xefes de brigada

### Tema 6.- Ataque indirecto

6.1.- A liña de defensa

6.2.- O contralume

### Tema 7.- A liña de control

### Tema 8.- Técnicas de liquidación

8.1.- Introducción

8.2.- Etapas da liquidación

8.3.- Indicadores de puntos quentes

8.4.- Seguridade durante a liquidación

### Tema 9.- Ferramentasmanuais

9.1.- Ferramentas que actúan sobre a calor

9.2.- Ferramentas que actúan sobre ooxíxeno

9.3.- Ferramentas que actúan sobre o combustible

9.4.- Mantemento das ferramentas

### Tema 10.- Maquinaria lixeira

10.1.- Uso da motoserrana extinción

10.2.- Uso da rozadoirana extinción

### Tema 11.- Comunicaci3ns

11.1.- Radiocomunicaci3ns nos incendios forestais

11.2.- Estrutura organizativa

11.3.- Canles dunha emisora

11.4.- Sistemática da comunicaci3n

11.5.- Manexo e mantemento dos equipos de comunicaci3n

B) Baremo de méritos: non terá carácter eliminatorio nin poderá terse en conta para superar as probas da fase de oposici3n. O baremo de méritos fíxase do seguinte xeito. Máximo: 10 puntos

Baremo de méritos:

a) Experiencia profesional, ata un máximo de 4 puntos:

- Servizos realizados como xefe de brigada de extinción de incendios forestais na Administración Local, con contratos ou nomeamento feito pola propia Administración Local, e referidos ós últimos 10 anos: 0,051 por cada mes completo ou fracción superior a 15 días. Para acreditar estes traballos os interesados deberán presentar unha certificaci3n da Administración de que se trate -excepto aqueles aspirantes que traballaron no Concello de Lugo, os cales únicamente terán que facelo constar na súa instancia de participaci3n no proceso selectivo e non terán que presentar a certificaci3n a que fai referencia este parágrafo-, onde conste o tempo traballado na categoría á que se opta, así como copia compulsada do nomeamento ou contrato de traballo suscrito para o efecto. De non presentarse a citada documentaci3n, ou si se presenta outra diferente á aquí referida, a cualificaci3n nesta alínea será de 0 puntos.

**PERSOAL**

MLP/egp

Refª: 16drconvprocselect2xefesbrigada

Asunto: convocatoria proceso selectivo 2 xefes de brigada

- Servizos realizados como xefe de brigada de extinción de incendios forestais noutra Administración Pública distinta da Local, con contrato ou nomeamento feito pola propia Administración e referidos ós últimos 10 anos: 0,023 por cada mes completo ou fracción superior a 15 días. Para acreditar estes traballos os interesados deberán presentar unha certificación da Administración de que se trate, onde conste o tempo traballado na categoría á que se opta, así como copia compulsada no nomeamento ou contrato de traballo suscrito para o efecto. De non presentarse a citada documentación, ou si se presenta outra diferente á aquí referida, a cualificación nesta alínea será de 0 puntos.

- Servizos realizados como xefe de brigada de extinción de incendios forestais en empresas públicas ou privadas e referidos ós últimos 10 anos: 0,012 puntos por mes. Para acreditar estes traballos os interesados deberán presentar a vida laboral, onde conste o tempo traballado na categoría á que se opta, así como copia compulsada do contrato de traballo suscrito para o efecto. De non presentarse a citada documentación ou si se presenta outra diferente a aquí referida, a cualificación nesta alínea será de 0 puntos.

b) Titulación:

Pola titulación académica que se posúa, computarase unicamente o título de maior nivel dos alegados e ata un máximo de 1,50 puntos. Únicamente será aquí puntuada a titulación superior á formación profesional (titulación mínima esixida para poder optar a esta praza).

- Título de Licenciado, arquitecto, enxeñeiro ou equivalente: 1,5 puntos.
- Título de Enxeñeiro Técnico, diplomado universitario, arquitecto técnico ou equivalente: 1 punto.

c) Formación:

Por cursos relacionados coa actividade que se vai desenvolver, impartidos pola Administración ou homologados, ata un máximo de 2 puntos. Os cursos que, a xuízo do tribunal, non estean debidamente acreditados ou non teñan relación coas funcións propias da praza, non serán puntuados:

- Menos de 15 horas: 0 puntos
- De 15 a 39 horas: 0,10 puntos
- De 40 a 79 horas: 0,20 puntos
- De 80 a 159 horas: 0,40 puntos
- Más de 160 horas: 0,75 puntos.

d) Inscripción como demandantes de emprego:

## **PERSOAL**

MLP/egp

Refª: 16drconvprocselect2xefesbrigada

Asunto: convocatoria proceso selectivo 2 xefes de brigada

Pola inscrición como demandante de emprego nos últimos tres anos, cun máximo de 1,20 puntos: 0,10 puntos por cada mes completo. Os aspirantes deberán presentar unha certificación expedida polo INEM, acreditativa da citada inscrición e do tempo dela, non tendo validez, para estes efectos, ningunha outra documentación achegada (non será admitida como acrditación, nin a tarxeta de demandante de emprego, nin a de renovación, nin o certificado de vida laboral, etc.). De non presentarse a citada certificación do INEM, a cualificación neste parágrafo será de 0 puntos.

e) Coñecemento do galego:

Pola realización ou validación, se é o caso, do curso de iniciación á lingua galega ou Celga 3: 0,50 puntos. E pola realización ou validación, se é o caso, do curso de perfeccionamento da lingua galega ou Celga 4: 1 punto. A puntuación máxima deste parágrafo será de 1 punto.

O resultado final do proceso selectivo será a suma da proba do parágrafo A (para aqueles que superen a mesma), co resultado do baremo de méritos.

De producirse empate na puntuación, a orde de desempate será a seguinte:

- 1) Puntuación pola orde dos parágrafos anteriores.
- 2) Solicitante de maior idade.

En todos os casos será requisito imprescindible a copia compulsada dos documentos que acrediten os méritos que alega o aspirante.

## **5.- TRIBUNAL CUALIFICADOR.**

Presidente:

- Don Miguel Ángel Negral Fernández, Enxeñeiro de Montes do Concello de Lugo.  
Suplente : Don Miguel Vila López, Cabo – Sarxento de Bombeiros, en funcións, do Concello de Lugo.

Vogais:

- Don Fernando Díaz Roa, Bombeiro-Conductor do Concello de Lugo  
Suplente: Don Antonio Cedrón Alvarez, Bombeiro- Conductor do Concello de Lugo  
- Don Fernando Pillado Millares, Bombeiro-Conductor do Concello de Lugo.  
Suplente: Don Marcos Rodríguez Baliña, Bombeiro-Conductor do Concello de Lugo.  
- Don Jesús Dorado Pin, Encargado de Vías e Obras do Concello de Lugo.  
Suplente: Don Gerardo Gayoso Somoza, encargado Taller de Augas do Concello de Lugo.

Secretaria:

- Dona María García Ferro, Vicesecretaria do Concello de Lugo.  
Suplente: Dona Carmen Mª Torre Abuín, Técnico de Xestión do Concello de Lugo.

**PERSOAL**

MLP/egp

Refª: 16drconvprocselect2xefesbrigada

Asunto: convocatoria proceso selectivo 2 xefes de brigada

**ANEXO I:**

Os/as aspirantes seleccionados deberán realizar previamente á súa contratación, un recoñecemento médico e unha proba física de esforzo para garantir as súas condicións de saúde para o traballo a realizar. De non superar o recoñecemento médico e a proba física de esforzo, se declarará o/a aspirante decaído do seu dereito á contratación.

Igualmente os/as aspirantes seleccionados deberán realizar un curso teórico-práctico de formación sobre prevención e defensa contra os incendios forestais de 16 horas. Este curso será obrigatorio, aínda que os compoñentes da brigada xa o recibisen en anos anteriores. En caso de non superar o curso o/a aspirante quedará decaído do seu dereito á contratación.

2º.- Encomendar o relativo ó seguimento do convenio , así como o referido a todos os medios materiais e humanos da brigada contratada a Don Miguel Negral Fernández, funcionario enxeñeiro de Montes adscrito a Medio Ambiente e a Don Miguel Vila López, sarxento en funcións de bombeiros, que deberán dar cumprimento dos compromisos da entidade local na actuación das brigadas, así como a organización do curso teórico práctico de formación sobre prevención e defensa de incendios forestais de 16 horas para os seleccionados.

**3º.- RECURSOS**

Contra este acordo, que pon fin á vía administrativa poderase interpoñer recurso contencioso-administrativo, no prazo de DOUS MESES, contados a partir do día seguinte ó da súa notificación, ante o Xulgado do Contencioso Administrativo de Lugo ou, á elección do interesado, ante o da circunscrición onde teña o seu domicilio. Malia o anterior, e con carácter previo e potestativo, poderá interpoñer recurso de reposición, no prazo de UN MES, contado dende o seguinte á notificación da presente resolución."

**Segundo.-** Que se proceda a súa publicación na forma legalmente establecida, facéndose saber que esta resolución pon fin á vía administrativa e contra ela caberá interpoñer recurso contencioso-administrativo, no prazo de DOUS MESES, contados a partir do día seguinte ó da súa notificación, ante o Xulgado do Contencioso Administrativo de Lugo ou, á elección do interesado, ante o da circunscrición onde teña o seu domicilio. Malia o anterior, e con carácter previo e potestativo, poderá interpoñer recurso de reposición, no prazo de UN MES, contado dende o seguinte á notificación da presente resolución, sen prexuízo de que vostede interpoña calquer outro recurso que estime procedente en Dereito.

Cúmprase.